



文獻通考卷之二百七十七

鄆 陽 三馬 端臨 貴與 著

封建考

梁親王

廣王全昱太祖受禪封貞明二年卒太祖兄也

友諒全昱子初封衛王後嗣廣王坐弟友能反廢囚京師唐師入

汴見殺

友能昱子封惠王後為宋滑二州留後舉兵反敗死

友誨昱子封邵王坐友能反廢後為唐兵所殺

安王友寧太祖兄存子受禪後封

密王友倫太祖兄存子受禪後封

柳王友裕太祖子為忠武節度使卒受禪後追封

博王友文本姓康名太祖養以為子受禪後封鄂王友珪弒逆並

殺友文

郢王友珪太祖子受禪後封乾化二年弒太祖某位均王以兵討之自殺追廢為庶人

福王友璋太祖子受禪後封

賀王友雍太祖子受禪後封

建王友微太祖子受禪後封

康王友孜太祖子末帝即位後封後以及誅

唐親王

邕王存美太祖子同光三年封莊宗敗不知所終

求王存霸太祖子同光三年封莊宗敗為軍卒所殺

薛王存禮太祖子同光三年封莊宗敗不知所終

申王存渥太祖子同光三年封莊宗敗與劉皇后同奔太原為部下

所殺

睦王存義太祖子同光二年封後以郭崇韜壻為莊宗所殺

通王存確太祖子同光三年封莊宗敗為霍彥威所殺

雅王存紀太祖子同光三年封莊宗敗為霍彥威所殺

魏王繼岌莊宗長子同光三年封將兵伐蜀取之師回至渭南聞莊

宗敗師從潰散自縊死

繼漣 繼嵩 繼壻 繼曉並在宗子同光三年拜光祿大夫檢校

司徒未封莊宗敗並不知所終

秦王從榮明宗子長興元年封後舉兵反敗死廢為庶人

許王從益明宗子長興四年封晉天福四年封郟國公為二王後奉

唐帝祀開運三年契丹犯京師復封許王尋為蕃將蕭翰立為帝知

南朝軍國事漢高祖入洛遇害

雍王重美末帝子清泰三年封晉兵入與末帝俱自焚死

洋王從璋明宗從子長興四年封晉時降封隴西郡公

元王從溫明宗從子晉時為忠武軍節度使

涇王從敏明宗從子晉時降封秦國公

晉親王

韓王敬暉高祖弟為曹州防禦使卒天福八年追封 子曦嗣

楚王重信高祖子天福初為河陽三城節度使范延光反遇害追封

陳王重景高祖子蚤卒追封壽王重義高祖子張從賓反遇害追封

漢親王

魏王承訓高祖子蚤卒追封

陳王承勳高祖子隱帝即位為開封尹周廣順元年追封

周親王

郊王侗太祖子漢末遇害顯德時追封

杞王信太祖子漢末遇害顯德時追封

越王宗誼世宗長子漢末遇害顯德時追

世宗王宗讓世宗子顯德六年封

紀王熙謹世宗子顯德六年封 宗乾德二年卒

新王熙誥世宗子顯德六年封

封爵之差唐制王食邑五千戶郡王國公三千戶開國郡公二千

戶縣公千五百戶縣侯千戶伯七百戶子五百戶男三百戶又有

食實封者給繡帛每賜爵進加一級唐未及五代始有特加邑戶

而罷實封之給又去縣公之名封侯以即宋朝沿其制文臣少卿

監以上內職崇班以上有封爵丞相學士刺史大將軍諸司使以

上有實封但以增戶數為差不繫爵級邑過其爵則并進爵而止

於開國郡公每加食邑自千戶至二百戶實封自百戶至百戶皆

六等親王重臣或特加有踰千戶者 即公食邑有累加至萬餘者

上有國王及西平南平之号皆非常典所加 九加食邑宰相千戶實封四百戶餘降麻

官七 百戶實封三百戶直學士以上五百戶實封二百戶舍人待

制散尚書至少卿監以上實封一百戶食邑三百戶封縣開國男
五百戶封子七百戶封伯千戶封侯二千戶封公千五百戶以
上始加實封惟將相食邑萬戶即開國亦或謙而不就者 仁宗
慶曆七年郊惟夏竦滿萬戶中書請封英國公因詔使相未滿萬
戶皆得封皇屬有特封郡公縣公或贈侯者無開國字侯無開國
即公開寶以來伐國降主及外臣叛命赦不誅者亦封侯皆因名
以著罪焉 命侯淳化五年詔封恩赦侯九年李昉封 采秦制賜民爵
曰公士其王公以下封國之名有大次小三等以為進封之叙
然每或封拜又有權外次小國為大國者淳化五年九月詔外壽
七上 咸平六年八月敕充進封安外安為大國景德二年八
月故雍王追封郡王仍外郡為大國中祥符七年五月故舒王
進封曹王仍外曹為大國乾興元年三月 景祐中詔春秋秦漢以
來下及皇朝所封舊名別分大次小三等以為定制焉大祖時詔
晉王大齊王 魏武功郡王德 昭朝會班宰相上太宗太平興國八年

詔自今宰相序立宜在親王上宰相宋琪李昉等頓首言漢法丞
相在諸侯王下請妃舊制不許王府講官有翊善一人直講一人
替讀二人記室一人又有諸王宮大小教授

宋親王

邕王光濟宣祖長子太祖兄蚤亡建隆三年贈中書令封邕王
秦王廷美宣祖第四子太祖弟建隆元年授嘉州防禦使進同平章
太宗即位封齊王繼封秦王後以罪降封涪陵縣公房州安置卒於
房陵真宗即位追復官封

廷美十子

德恭	為左武衛大將
德均	左監門衛大將
德潤	右羽林將軍
德降	右武衛大將
德彝	保寧軍節度留後
德欽	雲州觀察使
德愿	右武衛將軍

德存左羽林將軍

德文武軍將軍

夔王光贊宣祖第五子太祖幼弟早亡建隆三年贈侍中追封

右宣祖之世

魏王德昭太祖子乾德二年出閣授貴州防禦使遷同平章事太平興國元年封武功郡王四年以諱自殺贈中書令追封魏王

上書陳此曰謹按國史乾德二年以皇子德昭為貴州防禦使時年十七前代皇子出閣即封王上以德昭未冠特殺其禮非舊典也夫貴州屬廣西下州防禦使從五品耳皇子始命以此禮曰天子之元子士也天下無生而貴者也儲君副主猶云士明人有賢行善德乃得貴也先王以家人不憚自貶如此猶蓋教道行矣故國人觀之曰世子將君我而齒我於學然後衆知父子之道君臣之義長幼之節出閣封王後世之夸心也藝祖起百世之後獨追古意自王禮殺而為防禦使非聖人能之乎紹

聖中皇子初命便封國公遂為故事

惟正德昭長子建寧軍節度使子從謹温州團練使

世程從謹子洛州防世繁從謹子素州防世智從謹子桂州觀

惟吉德昭次子早卒守節惟吉子嶺南軍節度

守巽惟吉子和州防世靜惟吉孫均州防

世延惟吉孫絳州防世茂惟吉孫鳳州刺

世長惟吉孫解州防世恪惟忠子東萊侯

惟忠德昭子早卒從恪惟忠子東萊侯

從諱惟忠子齊州防世綱惟忠子南康侯

從質惟忠子信州團練從信惟忠子楚州防

惟和德昭子早卒從審惟和子復州防

從誨台州團練

史記通鑑卷一百一十七

岐王德芳太祖子開寶九年出閤授防禦使太平興國中進同平章使六年薨

惟叙德芳子補州防禦使

從煦惟叙子齊國公

世逸純煦子齊國公

惟憲德芳子資州團練使

從演惟憲子登州防禦使

從郁惟憲子贈金州團練使

世奕惟憲子贈南康侯

惟能德芳子右羽林將軍

從古惟能子登州團練使

從贄惟能子溫州團練使

世瑞惟能子嘉州刺史

安定郡王從式太祖曾孫岐王德芳次子英國公惟憲之子神宗熙

寧元年詔以太祖肇造區夏令中書門下攷大宗之屬籍近行尊者

一人裂地王之使常從獻於郊廟於是從式最長乃拜彰化軍節度

觀察留後封安定郡王薨追封榮王

世清熙寧五年嗣封

世準元豐七年嗣封

世開紹聖元年嗣封

世雄建中靖國元年嗣封

世福崇寧五年嗣封

令盪宣和二年嗣封

令話紹興元年嗣封

令時二年嗣封

令石五年嗣封

令應六年嗣封

令諒二十五年嗣封

令衿二十六年嗣封

令德乾道元年嗣封

令檣八年嗣封

子棟淳熙七年嗣封

子彤九年嗣封

子恭慶元元年嗣封

子觀嘉泰二年嗣封

伯栩嘉泰四年嗣封

伯祝嘉定元年嗣封

伯澤八年嗣封

熙寧所封安定郡王從式乃秦王德芳之孫從式薨乃更封燕王

德昭曾孫世清為嗣安定郡王紹興初燕秦二王後爭襲封禮部

員外郎王居正言燕王太祖長子其後當誰封議遂定自紹興至

嘉定襲封者並燕王後自孝宗後受封者率自下僚承襲且多癯
老疾病不能起跪嘉定十二年臣僚言自今有該封襲之人先行
下所居州郡審驗委堪拜跪方與保明申奏仍遣赴都堂審察然
後取旨除授或序當承襲本州宗司見其不能拜跪與特轉一官
及一子恩澤以華其老却於此行內更行一襲從之

秀安僖王子儻太祖六世孫岐王德芳之後德芳生英國公惟憲惟
憲生新興侯從郁從郁生華陰侯世將世將生東頭供奉官令繪令
繪生子儻以舍試合格調嘉興丞生子是為孝宗六歲選入宮紹興
十四年子儻卒孝宗既正儲宮詔贈子儻中書令秀王

伯圭 子儻子封榮陽郡王
光宗時嗣秀王

師夔 伯圭子永興軍節度使開府
儀同三司贈新安郡王

師揆 伯圭次子奉國軍
節度使贈禮王

師禹 伯圭季子保康軍
節度使贈和玉

信王璩太祖七世孫父子彥高宗紹興四年育孝宗于宮中明年詔
拜璩入宮憲聖慈烈皇后以為己子九年下封崇國公五年封恩平

郡王孝宗既正儲宮璩始稱皇姪三十一出居紹興府海鹽十四年
薨追封信王

右太祖之世

楚王元佐太宗長子初封衛王後徙封楚坐罪廢為庶人真宗即位
復封爵仁宗初薨

允升元佐子封建安郡王

宗禮 允升子慶州
觀察使成國公

宗道 允升子常州團
練使贈高客侯

宗楷 允升子康州
刺史漢東侯

宗回 允升子防禦使

宗默 允升子
昭州刺史

宗秀 左以備
華陰侯

仲翹 允升孫眉州
防禦使通義侯

昭成太子元僖太宗次子太平興國七年初封廣平郡王後封許王
尹開封淳化三年薨追贈太子

陳王元份太宗子太平興國八年初封冀王景德二年薨追封陳王

允寧元份子 武定軍節度
使信安郡王

宗敏 允寧子文州
刺史會稽侯

宗孟 允字子汝州防禦使臨汝侯

允讓元份子 知太監正事汝南王 宗懿 允讓子宿州觀察使

宗諫 洪州觀察使 宗師 密州觀察使高密侯

宗遷 使密州防禦使 宗沔 使廣州防禦使

安王元傑太宗子太平興國八年初封益王咸平六年薨無子

密王元偓太宗子端拱元年封徐國公真宗即位封安定郡王天禧

元年封徐王二年薨

曹王元偁太宗子初封涇國公真宗即位封安定郡王太中祥符七

年薨贈曹王

鎮王元儼太宗子景德初封廣陵郡王仁宗即位拜太尉尚書令天

聖七年封瑛王後改荆王慶曆四年薨

允迪元儼子 安靜軍節度使 允熙元儼子 除州刺史

允初元儼子 寧國軍節度使

代國公元億太宗子早薨至道三年追封

嗣濮王宗暉太宗曾孫安懿王元讓之子英宗之親兄神宗時嗣封

濮王紹聖元年薨

宗晟 安懿王子紹聖元年嗣封 宗愈 紹聖二年嗣封

宗綽 紹聖二年嗣封 宗懿 紹聖三年嗣封

宗祐 紹聖四年嗣封 宗漢 紹聖五年嗣封

仲增安懿王孫大觀三年嗣封 仲御 政和五年嗣封

仲爰宣和四年嗣封 仲理 靖康時襲封北遷

仲 建炎二年嗣封 仲儻 建炎八年嗣封

士俊 安懿王曾孫紹興一十五年 士鞞 隆興初嗣封

士歆 淳熙時嗣封 不粘 安懿王玄孫

不覺 慶元六年嗣封 不儔 開禧三年嗣封

不嫖 嘉定十一年嗣封 不凌 嘉定十五年嗣封

右太宗之世

按諸侯王與列侯皆以其嫡子嫡孫世襲其所受之封爵自非有罪者與無後者則爵不奪而國不除此法漢以來未之有改也至唐則臣下之封公侯者始止其身而無以子襲封者然親王則子孫襲封如故雖所謂茅土食邑多爲虛名然始受封之國與爵則父歿子繼世世相承如吳王恪曹王明俱太宗之子受封於貞觀時中東武氏祿山之禍皇族殲夷隳替之餘然其苗裔尚存則嗣吳王嗣曹王尚見於肅代德順之間至宋則皇子之爲王者封爵僅止其身而子孫無問嫡庶不過承蔭入仕爲環衛官廩車節鉞以序而遷如庶姓貴官蔭子入仕之例必須歷任年深德齒稍尊方特封以王爵而其祖父所授之爵則不襲也國朝會要載慶曆四年七月制封宗室乃以皇叔馮翊郡公德文爲東平郡王皇兄允

讓爲汝南郡王皇弟允良爲華元郡王皇姪從諲爲潁國公從煦爲安國公宗說爲祁國公昭成太子孫宗保爲建安郡王華王孫宗達爲恩平郡王邢王孫宗望爲清源郡公自懿王薨而祖宗之後未有封王爵者議者以爲自三代以來皆建宗戚用自承助於是次第封拜之蓋仁宗鮮兄弟身國既久又無皇子藝祖太宗之子爲王者皆已物故是時宗姓幾無一王故擇其行尊齒宿者王之至濮安懿王以英宗之故安定郡王以藝祖之故方今世世承襲然又不以昭穆相承嫡庶爲別每嗣王歿則只擇本宗直下之行尊者承襲於是濮安懿王有二十七子而得嗣封者七人四十六孫而得嗣封者亦七人蓋嗣濮王凡十四人纔更兩代耳安定郡王之後世字行嗣封者五人令字行嗣封者九人子字行嗣封者四人伯字行嗣封者三人蓋嗣安定郡王凡二十一入纔更

四代耳此例亦古所無也又按蔡元道相宗官制舊典稱皇子生百晬命名初除義軍額節度使兩遇大禮移鎮再遇封國公出閣拜使相封郡王納夫人建外第方除兩鎮封王然則皇子雖在所必王然其遷轉亦有次第不遽封也

周王玄祐真宗子咸平五年封信國公六年薨追封周王

右真宗之世

褒王昉仁宗子早薨追封

豫王昕仁宗子蚤薨追封

鄂王曦仁宗子蚤薨追封

右仁宗之世

王顥英宗子初封東陽郡王神宗立封昌王哲宗立徙楚王紹聖

初薨子孝騫寧國軍節度使豫章郡王

益王頊英宗子初封樂安郡王進封嘉王元祐三年薨

潤王頊英宗子蚤薨追封

右英宗之世

成王侑神宗子早薨追封

惠王僅神宗子早薨追封

唐王俊神宗子初封永國公薨追封王

褒王伸神宗子早薨追封

冀王偁神宗子初封景國公薨追封王

豫王侁神宗子初封建國公薨追封王

徐王侑神宗子早薨追封

吳王佖神宗子初封儀國公哲宗即位封大寧郡王徽宗即位封陳

王崇寧五年薨

儀王偉神宗子蚤薨追封

燕王旦神宗子初封成國公哲宗即位封咸寧郡王徽宗時積封至

燕王靖康從北狩不知所終

楚王似神宗子初封和國公哲宗即位封普寧郡王徽宗時封蔡王
崇寧五年薨

越王德神宗子初封析國公後積封至越王靖康從北狩不知所終

右神宗之世

獻愍太子茂哲宗子早薨初贈越王再贈太子

右哲宗之世

兗王棖徽宗子早薨追封

鄆王楷徽宗子初封魏國公進封高密郡王政和八年策進士居第

一積封至鄆王靖康從北狩

荆王楫徽宗子初封楚國公進封南陽郡王宗寧三在薨

肅王樞徽宗子初封吳國公積封至肅王靖康中與張邦昌同質于

金國北去

景王杞徽宗子初封冀國公積封至景王靖康從北狩

濟王栩徽宗子初封魯國公積封至濟王靖康從北狩

濟陽郡王棫徽宗子初封楊國公進封濟陽郡王

邠王材徽宗子初封魏國公薨追封

祁王謨徽宗子初封鎮國公積封至祁王靖康從北狩

莘王植徽宗子初封吳國公積封至莘王靖康從北狩

華原郡王朴徽宗子初封雍國公進爵華原郡王

徐王棟徽宗子初封徐國公積封至徐王靖康從北狩

沂王樛徽宗子初封冀國公積封至沂王靖康從北狩

鄆王拱徽宗子初封定國公薨追封王

和王棫徽宗子初封廣國公積封至和王

信王榛徽宗子初封福國公積封至信王靖康從北狩至河北得脫

馬廣以鄉兵保慶源五馬山寨奉榛為主建炎二年詔以河外兵馬

都元帥後唐破山寨不知所終

漢王椿徽宗子初封慶國公薨追封王

安康郡王三捷徽宗子初封衛國公進封安康郡王

廣平郡王三捷徽宗子初封韓國公靖康時追封

陳三捷徽宗子早薨追封

相國公懋徽宗子政和四年封

瀛國公 徽宗子政和五年封

建安郡王橫徽宗子初封惠國公宣和時追封

嘉國公椅徽宗子政和八年封

溫國公棟徽宗子政和八年封

英國公榘徽宗子宣和二年封

儀國公桐徽宗子宣和三年封

昌國公柄徽宗子宣和四年封

潤國公棧徽宗子宣和七年封

右徽宗之世

元懿太子勇高宗子初封魏國公苗傅劉正彥為逆立勇為帝改元明受上復辟立為皇太子其年薨贈元懿太子

右高宗之世

莊文太子愔孝宗子紹興三十二年封鄧王乾道元年立為皇太子

三年薨年二十四追謚

子挺 武當軍節度使豫國公

魏惠獻王愔孝宗子初封慶王繼封魏王乾道七年薨

子柄 昭慶軍節度使吳興郡王贈沂王謚靖惠

右孝宗之世

景獻太子曠藝祖十世孫燕懿王後寧宗慶元四年育子宮中嘉泰

二年封衛國公開禧元年為皇子封榮王三年立為皇太子嘉定十

三年薨年二十八追謚

華冲穆王坦寧宗子早薨追封

申冲懿王懋寧宗子早薨追封

順冲懷王忻寧宗子早薨追封

肅冲昭王怕寧宗子早薨追封

濟陽郡王竑沂靖惠王子嘉慶十四年立為皇子封祁國公再封濟

國公十七年進封濟陽郡王

右寧宗之世

文獻通考卷第二百七十七

文獻通考卷之二百七十八

鄱 陽 馬 端 臨 貴 與 著

象緯考

漢天文志曰凡天文在圖籍昭昭可知者經星常宿中外官凡一十

八名積數七百八十三星皆有州國官宮物類之象其伏見早晚邪

正存亡虛實廣陘孟康曰伏見早晚謂五星也日月五星下道為邪

實則因多虛則開出之屬也及五星所行合散犯守陵歷闔食孟康

謂三台星相去遠近也相會也散五星有變則精散為祿星也犯五寸已內光芒相及也陵

相冒過也食星月相交則不見者則所食也章昭曰自下往觸之曰犯

居其宿曰守經之為歷笑彗孛飛流日月薄食張晏曰彗所以除舊

掩為凌星相繫為闔也彗孛飛流日月薄食布新也李氣似彗飛

流謂飛星流星也孟康曰飛絕迹而去也流光迹相連也日月無光

曰薄京房易傳曰日月赤黃為薄或曰不交而食曰薄章昭曰氣往

迫之為薄虧暈適背穴抱耳虫蜺孟康曰皆日旁氣也適日之將食

多作鑷其形如玉鑷也暈適背穴抱耳虫蜺孟康曰皆日旁氣也適日之將食

暈或作虹蜺讀曰雷蜺暈適背穴抱耳虫蜺孟康曰皆日旁氣也適日之將食

為冠為戴在旁直對為蜺在旁如半環向日暈適背穴抱耳虫蜺孟康曰皆日旁氣也適日之將食

為抱向外為背有氣刺曰為蜺編挾傷也暈適背穴抱耳虫蜺孟康曰皆日旁氣也適日之將食

迅雷風袂怪雲變氣此

皆陰陽之精其本在地而上發于天者也政失於此則變見於彼猶
景之象形鄉之應聲師古曰鄉讀曰響定以明君觀之而寤飭身正事思其
咎謝其過則禍除而福至自然之符也

晉天文志曰張衡云文曜麗乎天其動者有七日月五星是也日者
陽精之宗月者陰精之宗五星五行之精衆星列布體生於地精成於
列列居錯峙各有攸屬在野象物在朝象官在人象神其以神差有
五列焉是為三十五名一居中央謂之北斗四布於方各七為二十
八舍日月運行歷示吉凶五緯纏次用告禍福中外之官常明者百
有二十四可名者三百二十為星二千五百微星之數蓋萬一千五
百二十庶物蠢蠢咸得繫命不然何得總而理諸後武帝時太史令
陳卓摠甘石巫咸三家所著星圖大凡二百八十三官一千四百六
十四星以為定紀今略其昭昭者以備天官云

中宮

北極紫微宮

中元北極紫微宮北極五星在其中大帝之坐第二珠第三之宮庶
子居第一號曰為太子四為后宮五天樞一云第三明者帝之居第
四明日四庶子最小第五
天之左右四星是四輔天一太一當門路左樞右樞夾南門兩面營
衛一十五上宰少尉兩相對少宰上輔次少輔上衛少衛次上丞後
門東邊六贊府門西喚作一少丞以次却向門前數陰德門裏兩黃
聚尚書以次其他五女文柱史各一户御女四星五天柱大理兩尾
陰德邊勾陳尾指北極類勾陳六星六甲前天皇獨在勾陳裏五帝
丙座後門是華蓋并杠十六星杠作柄象華蓋形蓋連連九箇星名曰
傳舍如連丁垣外左右各六珠右是內階左天厨階前八星名八穀
厨下五箇天棊宿天床六星左樞在內厨兩星右樞對文昌斗上半
月形希疎分明六箇星名八昌之下曰三公太尊只向三公明天宰六
星太尊邊太陽之守四此乃前一箇宰相太陽側更有三公相西邊即

是玄戈一星圓天理四星斗裏暗輔星近著閩陽淡一本云文昌之

六星四勢前更有二公西偏即是太陽一星圓天理四星斗裏暗輔星近著閩陽淡北斗之星七宿明第一

主帝名樞精第二第三次是第四名權第五衡閩陽搖光六七名

北極五星在紫微宮一名天極一名北辰其紐星天之樞也天

運無窮三光迭耀而四星不故曰居其所而眾星共之第一星

主月太子也第二星主日帝王也亦為太一之坐謂最赤明者也

第三星主五星庶子也北極五星最為尊也中星不明主不用事

右星不明太子憂也其第四星為后宮第五星為天樞張衡云二

星並為後宮北極五日生明大則吉變動則憂抱極樞四星曰四輔

所以輔佐北極而出也反受政也張衡云抱極之細星也為輔臣之

位主贊萬機小而明言大明及芒角臣逼君暗則官不理天乙一

星在紫宮門右星之主天帝之神也主戰鬪知人凶吉者也太乙

一星在天一南相近亦天帝神也主使十六神知風雨水旱兵革

飢饉疾疫災害所生之國也張衡云天一逼閩闔外其占明而有

光則陰陽和合萬物成人主吉不然反是太一占與天一略同紫

宮垣十五星其西蕃七東蕃八在北斗之北一曰紫微大帝之坐

也天子之常居也主命主度也一曰長垣一曰天營一曰旗星為

藩衛備藩臣也宮闕兵起旗星直天子出自將宮中兵張衡云紫

微垣十五星東藩八西藩七其東藩近閩闔門第一星為左樞第

二星為上宰第三星為少宰第四星為上輔第五星為少輔第六

星為上衛第七星為少衛第八星為少丞其西藩近閩闔門第一

星為右樞第二星為少尉第三星為上輔第四星為少輔第五星

為上衛第六星為少衛第七星為少丞皆以明大有常則吉若感

明則內輔盛也宮垣直而明天子將兵開則兵起西藩闕如門象

名閩闔有流星自闕而出四野者當有中使銜命視其所適野

而論之也陰德二星在紫微宮內尚書之西主施德者其占以不

明爲官明則新君踐祚隋志曰尚書西二星曰陰德陽德主周急
振撫又分爲二坐星吳門內東南雜五星曰尚書主納言夙夜咨
謀龍作納言此之象也張衡曰八坐大臣之象其占與四輔不殊
極東一星曰柱下史主左右記君之過星明則史直辭不明反是
柱史北一星曰女史婦人之徵者主傳漏故漢有侍史張衡云婦
官也主記宮中之事其占與柱史同御女四星在紫微宮內勾陳
之北八十一御妻之象也其占明則多內寵不明則否晉志謂之
女御宮天柱五星在紫微宮門內准蓋杠左旁近東垣北隅法五
行主晦朔晝夜之職明正則吉人安陰陽調不然則司歷過隋志
云建政教立圖法之府也常以朔望日垂禁令於天柱以示百司
周禮以正歲之月示法象魏此之謂也大理二星在紫微門內次
近陰德夾獄之官星明則刑憲平不明則冤酷深勾陳六星在紫
微宮華蓋之下隋志云後宮也大帝之正妃也大帝之帝居也張

衡云大帝所居之宮也亦將軍之象也星明則吉暗則人主惡之
勾陳口一星曰天星亦曰大帝其神曰曜魄寶主御群靈東萬機
神圖也其星隱而不見見則爲災六甲六星在紫微宮內華蓋杠
左傍分掌陰陽紀時節明則陰陽和不明則寒暑易節五帝內坐
五星在華蓋下勾陳上斧袞之象所以備宸居者明正則吉變動
則災凶隋志云客星犯紫微宮中坐大臣犯主華蓋七星其杠九
星合十六星在勾陳上正當大帝所以覆蔽大帝之坐也明正則
吉傾動則凶傳舍九星在華蓋上近河賓客之館主胡人入中國
客星守之備姦使亦曰胡兵起內階六星在文昌北天皇之陛也
明吉傾動凶紫微東垣北維外六星曰天府天子百官之厨也見
吉不見凶八穀八星在紫微西藩之外五車之北具八星一主稻
二主黍三主大麥四主小麥五主大豆六主小豆七主粟八主麻
子明則八穀皆成暗則不熟一星不見則八穀不登八星不見則

國人糊口天棊五星在女床東北天子先驅所以禦難也不明則
國兵起一曰主爭訟明六凶小吉天珠六星當閭闔外主天子
寢舍解息燕休之處星正大吉君有慶傾則人主不安一云在宮
門外聽政之象也為寢舍也暗凶內厨兩星在紫微垣外西南角
主六宮之內飲食府也一云主后夫人與太子飲宴居常無咎有
犯守凶文昌六星在北斗魁前天之六府也主集計天道一曰上
將大將軍建威武次二曰次將尚書正左右三曰貴相太常理文縮
四曰司祿司中司諫賞功進爵五曰司命司恠太史主減谷六曰
司寇大理佐理寶所謂一者建北斗魁前近內階者也明潤大小
齊天瑞臻張衡云其占黃潤光明萬人安大小均天瑞降青黑細
微多所害搖動移徙大臣憂金火守入兵興字犯國亂一曰文昌
動則三公受誅后崩災福一曰三公三星在北斗柄東又三
公星在北斗魁西並為三公之象一曰三公三星在北斗柄東又三
公星在北斗魁西並為三公之象一曰三公三星在北斗柄東又三

務其星移徙不吉居常安金火守之三公有凶隋志曰杓南三星
及魁第一星皆曰三公宣德化調七政和陰陽之官也太尊一星
在中台之比貴戚也巫咸云聖公之象居常為定不見則凶金犯
守為災貴賤將敗者也天牢六星在北斗魁下貴人之牢也主愆
過禁暴淫與貫索同占大陽守一星在相西大將大臣之象也主
戒不虞設武備也非其常兵起明吉暗凶移陟大臣誅勢四星在
太陽西北刑餘人而用事者也不明吉明即閹官擅權相一星在北
斗南隋志曰相者總領百官而掌邦教以佐帝王安邦國集眾事
也明吉云戈一星在招搖北一曰天戈也芒角大而動則四夷兵
起其占與梗河相類北斗魁中四黑星為貴人之牢曰天理明及
搖動與有星者為貴人下獄北斗七星輔一星在太微北七政之
樞機陰陽之本元也故運乎天中而臨制四方以建四時而均五
行也魁四星為璇璣杓三星為玉衡又象號令之主又為帝居取

乎運動之義也又魁第一星曰天樞二曰璇三曰璣四曰權五曰
玉衡六曰開陽七曰搖光一至四爲魁五至七爲杓樞爲天璣爲
地璣爲人權爲時玉衡爲音開陽爲律搖光爲星石氏云第一曰
正星主陽德天子之象也二曰法星主陰刑女主之位也三曰令
星主禍害也四曰伐星主天理伐無道五曰殺星主中央四旁殺
有罪六曰危星主天倉五穀七曰部星亦曰應星主兵又云一主
天一主地三主火四主水五主土六主木七主金又曰一主秦二
主楚三主梁四主吳五主趙六主燕七主齊輔星附乎開陽所以
佐斗成功也又曰主危正矯不平又曰丞相之象也七政三明則
國昌不明則國殃斗旁欲多星則安斗中少星則人恐上天下多
德者無星二十日有輔星明而斗不明臣強主弱斗明輔不明
主強臣弱也杓南三星及魁第一星皆曰三公宣德化調七政和
陰陽之官也張衡云云若廣營宮室安靈山陵則第二星不明或

變色若不愛百姓聚興征役則第三星不明或變色若發號令不
明四時不明天道則第四星不明或變色若廢正樂務淫聲則第
五星不明或變色若不勸農桑不務稼穡峻法濫刑退賢傷政則
第六星不明或變色若不撫四方不安夷夏則第七星不明或變
色凡日月暈連環及斗月暈及搖動兵起其傍及中小星多則天
下不安人多怨一云小星多則天下安不然則國人散五曜及客
星守入皆凶孛彗尤甚也

右夾漈鄭氏作通志天文略言漢晉諸志所載諸星名數災
祥叢雜難舉惟隋丹元子作步天歌句中有圖言下見象或
豐或約無餘無失故特取其歌而於歌之後採諸家之言以
備之今所載其前則丹元子歌也後則夾漈所取諸志以釋
之者也其說亦略備矣然宋史志所載近代諸儒之說則考
訂尤詳故又錄其所未備者附見各段之末云

宋兩朝天文志舊說皆以紆星正樞機後祖暅之立儀測之洎皇祐中以銅儀管候之其不動處猶在樞星之末一度餘

朱子語錄曰北辰乃天之北極天如水車北辰乃軸處水車動

而軸未嘗動 又曰北辰是那中間無星處此子不動是天之

樞紐北辰無星緣人要取此為極不可無箇記認所以就其旁

取小星謂之極星問極星動否曰極星也動只是近那辰後雖動而不

覺今人以管去窺那極星見其動來動去只在管裏面不動出

去向來人說北極便是北辰皆只說北極不動至本朝人方去

推得是北極只在北辰邊頭而極星依舊動

宋兩朝天文志太子星去北極十五度入心宿三度 四輔四星

去天樞各四度 勾陳六星去極六度半入壁宿五度 天皇太

帝星去極八度半入室宿十一度 華蓋七星距九星距中大星

去極二十六度入婁宿四度 五帝內坐五星距中大星去極十

二度半入室宿六度 六甲六星距南星去極一十五度入室宿

四度 女御四星距西南星去極一十三度半入奎宿一度 天

柱五星距東南星去極十三度半入危宿初度 尚書五星距西

南星去極一十九度入尾宿十四度 杜下史一星去極十八度

入斗宿十三度 女史一星去極十七度半入斗宿二度 陰德

二星距東星去極十七度入室宿二度 大理二星距東星去極

二十三度半入心宿五度 天床六星距西南星去極二十二度

入氏宿二度半 紫微垣十五星其左驂樞去極二十七度半入

房宿一度 右驂去極二十一度入室宿八度 天一星去

極二十度半入危宿一度半 太一一星去極二十一度入室宿

一度 內厨二星距西南星去極十六度半入軫宿十一度 天

厨六星距大星去極二十四度入室宿二十二度 內階六星距

西南星去極二十三度入室宿二十六度 八歲八星距西南星

去極三十一度半入畢宿二度 傳舍九星距西第四星去極二十八度半入胃宿五度 聖道六星距南星去極四十八度入奎宿四度半 策一星去極三十三度半入壁宿五度 鈞九星距大星極二十四度入宿初度 伏箱七星距南第一星去極三十二度半入斗宿六度 北斗七星天樞去極二十三度半入張宿十度搖光去極三十五度入角宿玖度 輔一星去極三十度入角宿三度 天理四星距東南星去極二十八度入翼宿九度 三公三星距東星去極三十五度少入角宿六度 三師三星距西星去極二十一度入張宿初度半 文昌六星距西南星去極二十四度半入柳宿二度半 天牢六星距西北星去極二十八度半入張宿六度 天相一星去極三十三度入軫宿四度 勢四星去極三十一度入翼宿二度 天樞三星距大星去極三十二度半入氐宿初度 天樞五星距南星去極四十四度入箕宿三度

先公曰古今志天文者述天官星名義大略皆同兩朝志亦出入晉隋二史但此能言其去極若干度入某宿若干度爲異耳宋中興天文志坎正北方也北極不於坎乾而於艮丑以艮東北萬物之所成終而所成始也作曆者逆推而上之以至於數千百載必得日月合璧五星連珠於建牛之次然後用之爲曆元謂建牛艮丑分野萬物成終成始之地也故北極則居其方爲天之極而七政則會其分爲曆之元當七政會其分之時亦必纏運適當其方次天道自然知者鮮矣此其辨之一曰北極第二星最赤明者星圖謂之帝而勾陳口中又爲大帝非是按巫咸通元經寶鏡圖北極五星勾陳六星在紫極宮中柰宮一而帝二也此當辨曰賈逵張衡蔡邕三賢陸續皆以紐星爲不動處晉志謂北辰爲最尊者是也孔子曰譬如北辰居其所而衆星共之言於天象爲至尊是於五星爲第一而志反以第五例置之甚此當辨夫不

以紐星之居其所衆星共者爲帝而以從極之赤明者爲帝則異乎吾孔子所云此當辨北辰一星不爲帝而指勾陳口中星爲天皇大帝豈居其所非大而不居其所爲大乎口中一星即大帝之座不當遂指爲天皇大帝遂以爲耀魄寶此當辨志曰北極五星其紐星天之樞也第一星主月太子也第二星主日帝王也亦太一之座謂最赤明者也第三星主五星庶子也非是按大象列星圖亦以一爲太子二爲帝王三爲庶子而餘星則以爲後宮幹象新書所載傳言亦以一主月爲太子二主日爲帝王而三則以爲主五行四則以爲主諸王五則以爲主庶子核其說皆非是而未暇辯所辨者日月五星各分所主而非其義也籍令必有所主則主者惟帝耳太子何得分主月庶子又何得分主五星而帝乃獨主日乎此當辯天官書前漢志及春秋合成圖曰中宮天極星其一明者太一常居旁三星三公或曰子星後勾四星末大星正妃

餘三星後宮之屬也孝經援神契曰辰極橫后妃四星從端大妃光明二說大略相類然考之經籍之象則指三星爲三公固不可而又以三星爲子屬尤不可且既以爲三公又以爲子屬何自二其說乎子屬即旁二星耳太子一庶子一豈又有子屬乎宮南三星曰三公內座杓南三星及魁上一二星曰三公三孤後豈此又有三公乎所謂後勾四星勾曲抱極志謂四輔星也則言末大星正妃餘三星後宮之屬者與言后妃四星從端大妃光明者皆非是此當辨夫以四輔末大星爲妃者固非是而志則曰勾陳後宮也大帝之正妃也亦非是勾陳實王六軍大司馬巫咸曰主天子護軍即不當以爲後宮又不當以爲正妃此當辨曰然則北極五星之辨如何聞之師云天樞紐星在四輔中者是爲天皇大帝其神曰耀魄寶此是也而彼所指勾陳中一星爲耀魄寶者非也故初一曰帝次二曰后次三曰妃次四曰太子乃其赤明者也次五曰

庶子因知中宮帝當以孔子所擬北辰為据其精北極星其神耀魄寶大公望闕天書不誣此其辨之二

又曰極星之在紫垣萬神所宗七曜三垣二十八宿眾星所拱是北極為天文之正中而自唐以來曆家以儀象考測則中國南北極之正實去極星之北一度有半此蓋中原地勢之度數也

中興更造渾儀而太史局令丁師仁言臨安府地勢向南於北辰極高下當量行移易局官呂璨言渾天無量行更易之制若用於臨安與天參合移之他往必有差忒於此罷議後十餘年邵諤鑄儀則果用臨安北極高下為之以今清臺儀校之實去極星四度有奇焉若列星諸宿去極之度數與赤道之遠近則清臺一遵皇祐所測無所更易舊史已具茲不復言

太微宮

上元太微宮昭列象在蒼穹端門只是明之中左右執法門

門首皂衣一謁者以次即是鳥三公三黑九卿公背傍五黑諸侯後行四箇門西主軒屏五帝內坐於中正幸臣太子并從官鳥列帝後從東定郎將虎奔居左右常陳郎位居其後常陳七星不相誤郎位陳東一十五兩面宮垣十星布左右執法是其數宮外明堂布政宮三箇靈臺候雲雨少微四星西南隅長垣靈臺微西居北門西外接三台與垣相對無兵災

太微垣十星在翼軫北張衡云天子之宮廷五帝之坐十二諸侯府也其外蕃九卿也一曰軒轅為樞太微為衡衡主平也隋志云又為天庭理法平辭監升授德列宿受符諸神考節舒情稽疑也南蕃中二星間曰端門東曰左執法廷尉之象也西曰右執法御史大夫之象也執法所以舉刺凶奸者也左執法之東左掖門也右執法之西右掖門也東蕃四星南第一曰上相其北東太陽門也第二星曰次相其北中華東明也第三星曰次相其北東太陽

門也第四星曰上將所謂四輔也西蕃四星南第一星曰上將其北西太陽門也第二星曰次將其北中華西門也第三星曰次相者諸侯謀天子也執法移則刑罰尤急月五星入太微軌道吉其所犯中坐成刑罰者一星在太微內執法東北主贊賓客也不見外國不賓服謁者東北三星曰三公內坐朝會之所居也張衡云以輔弼帝者其名與夾斗三公同三公北三星曰九卿內坐主滄萬事與天紀同占九卿西五星曰內五諸侯內侍天子不之國也辟雍之禮得則太微諸侯明且才四星在端門內帝座南近右執法屏所以擁蔽帝寢也執法主刑舉星明潤則君臣有禮黃帝內坐一星在太微中含樞紐之神也天子動得天度止得地意從容中道則太微五帝之坐明以光黃帝坐不明人主當求賢士以輔治不然則奪勢又曰太微五帝坐小弱青黑天子國亡四帝內坐

四星夾黃帝坐東方星蒼帝靈威仰之神也南方星赤帝赤熛怒之神也西方星白帝白招矩之神也北方星黑帝叶光紀之神也張衡云五帝同明而光則天下歸心不然則失位金火水入太微君順入軌道伺其出之所守之分則為天子所誅也帝坐東北一星曰幸臣主親愛臣明則幸臣用事微細吉太子一星在幸臣西五帝坐北儲貳之星明而潤則太子賢不然則否金火守入太子不廢則為篡逆之事從官一星在太子西北主從官不見則帝不安如常則吉郎將一星在郎位東北所以為武衛張衡云今左右中郎將是也大明芒角將恐不可當也虜賁一星在太微西蕃之外上相之西下台之南靜室旄頭之騎官也張衡云主侍從之武臣也與車騎同占常限七星如畢狀在郎位北天子宿衛虎賁之士以設強毅也星搖動天子自出明則武兵用微則武兵弱郎位十五星又云二十四星在帝坐東北一曰依鳥郎位也周官之元

士漢官之光祿中散騎諫議郎三署郎中是其職也張衡云今
之尚書郎也其大小相均光潤有常吉隋志郎位主守衛也其
星明大臣有劫主又曰客犯上其星不具后死幸臣誅客星入之
大臣為亂明堂三星在太微西南角外天子布政之宮也明吉暗
凶明堂西三星曰靈臺主觀雲物察符瑞候災變也占與司倍同
少微長垣二坐星已釋在張星之次矣三台六星兩兩而居起文
昌列招搖太微一曰天柱三公之位也在天曰三台主開德宣符
也西近文昌二星曰上台為司命主壽次二星對軒轅曰中台為
司中主宗室東二星抵太微曰下台為司祿主兵所以昭德塞違
也又曰三台為天階太一躡以上下一曰泰階上階上星為天子
下星為女主中階上星為諸侯三公下星為卿大夫下階上星為
士下星為庶人所以和陰陽而理萬物也其星有變各以所主占
之君臣和集如其常度張衡云色齊明而行列相類則君臣和法
令平不齊為乖度金火守入兵起彗孛尤甚也

宋兩朝天文志太微十二星右執法去極八十四度入翼宿十二度
半左執法去極八十六度入軫宿初度半 謁者一星去極八十
三度入軫宿一度 三公三星距東星去極八十四度半入軫六
度 九卿三星距西北星去極七十五度入軫七度 內五諸侯
五星距西星去極七十度入軫一度 五帝座五星距中大星去
極七十一度半入翼十一度 屏四星距西南星去極八十度入
翼十度 太子一星去極六十六度半入翼十一度半 從官一
星去極六十四度半入翼八度半 幸臣一星去極六十六度半
入翼十五度 郎位十五星距西南星去極六十度入翼十八度
郎將一星去極四十七度半入軫十一度 常陳七星距東星
去極五十一度半入軫初度 虎賁一星去極六十二度少入翼
二度

宋中興天文志曰太微垣有五帝座五帝內座又列乎紫宮何也
曰五帝常居在太微而入觀乎紫宮故有內座也然則五帝何帝
也此志所謂靈威仰赤熒怒含樞紐白招拒叶光紀之神也有天
皇矣而又有五帝何也五帝在天主五行在地主五嶽分方主事
以輔天皇者昔周公郊祀后稷以配天斯北極紫微中宮天皇大
帝也而宗祀文王於明堂以配上帝則宮南太微五帝也此月令
明堂所以分五宮祀五帝也

天市垣

下元一宮名天市兩扇垣墻二十二當門六角黑市樓門左兩星是
車肆兩箇宗正四宗人宗星一覆亦依次帛度兩星屠肆前候星還
在帝坐邊帝坐一星常光明四箇微茫霍者星以次兩星名列肆斗
斛帝前依其次斗是五星斛是四垣北九箇貫索星索口橫者七公
滅天紀恰似七公形數著分明多兩星紀北三星名女床此坐還依

織女傍三光之象無相侵二十八宿隨其陰水火木土并與金以次
別有五行吟

天市垣二十二星在房心東北主權衡主聚眾一日天旗庭主斬
戮之事也市中星眾潤澤則歲實星希則歲虛熒惑守之戮不忠
之臣又曰若怒角守之者臣殺主彗星出為徙市易都客星入之
兵大起出之有貴喪張衡云天市明則市利急商人無利忽暗則
反是市樓六星在市中臨箕星之上主司關闡明則吉暗則市利
不理也隋志市樓者市府也主市價律度其陽為金錢其陰為珠
玉變見各以所主占之車肆二星在天市垣南門之內主車駕不
明則國車盡行隋志主眾賈之區宗正二星在帝坐東南宗大夫
也彗星守之若失色宗正有事客星守動則天子親屬有變又曰
客星守之貴人死又曰宗正明則宗室有秩暗則國家凶宗人四
星在宗正東主錄親疎享祀如綺而明正族人有序宗星二星在

宗人東北候星之東宗室之象帝輔血脉之臣也客星守之宗人
不和帛度二星在宗室星東北主度量明則尺量平商人不敢暗
則否屠肆二星在帛度東北主烹宰明大則肆中多宰殺候一星
在帝坐東北主伺陰陽也明大則輔臣強西夷開候細微則國安
亡則主失位移則主不安居常則吉帝坐一星在天市中候星西
天庭也光而潤則天子吉威令行微細凶大人當之或云暗則大
人不正張衡云帝坐者帝王之坐帝坐有五一坐在紫微宮一坐
在大角一坐在心中一坐在天市垣一坐在太極宮咸云帝坐一
曰神農所居不見則大人當其咎宦者四星在帝坐西南帝傍之
闈人也星微則吉明則凶非其常宦者有憂其占與勢星同列肆
二星在斛西北主寶玉之貨移徙則列肆不安火守入兵大起斗
五星在官者西南主平量覆則歲熟仰則大飢明暗與帛度同斛
四星在市樓北亦曰天斛主量者也占與斗同貫索九星在七公

前一日連索一日連營一日天牢主法律禁暴強也牢口一星為
門欲其開也九星皆明天下獄煩七星見小赦五星見大赦動則
斧鑕用中空則更元漢志云十五星張衡云貫索開有赦不見則
刑獄簡若閉口及星入牢中有繫死者常以午子夜候之一星不
見則有小喜二星不見賜祿三星不見人主德令行且赦若客星
出視其小大大有大赦小有小赦或云貫索為賤人之牢一星芒
有喜事二星芒賜爵祿三星芒有赦門閉牢中多死水犯災火犯
米貴七公七星在招搖承天之相也三公之象張衡云七公橫列
貫索之口主執法列善惡之官也星齊正則國法平差戾則獄多
冤酷或云星入河米貴火犯之天紀九星在貫索東九卿也
為九河主萬事之紀理冤訟也明則天下多詞訟亡則政理壞國
紀亂教絕則地震山崩女戒三星在天紀之北為後宮御女主女
事明則宮人恣意常則無咎

宋兩朝天文志天市垣二十二星東西列各十一星其東垣南第一星曰宋第二星曰南海第三星曰燕第四星曰東海第五星曰徐第六星曰吳越第七星曰齊第八星曰中山第九星曰九河第十星曰趙第十一星曰魏其西垣第一星曰韓第二星曰楚第三星曰梁第四星曰巴第五星曰蜀第六星曰秦第七星曰周第八星曰鄭第九星曰晉第十星曰河間第十一星曰河中東垣南第一星中去極一百五度半入危宿七度西垣第一星韓去極九十八度半入心宿五度 市樓一星距東南星去極九十八度入尾宿十二度 車肆二星距西大星去極一百度入尾宿三度 斛四星距西南星去極八十七度半入尾宿三度 列肆二星距東星去極八十六度入心宿三度半 帝座一星去極七十五度入尾十度 候一星去極七十八度半入尾十六度 宦者四星距南星去極七十六度半入尾九度半 斗五星距東大星去極七十九度入尾六度半 宗正二星距北星去極八十五度半入尾十六度 宗人四星距大星去極八十六度入箕一度 宗室二星距北大星去極八十度半入箕五度 帛度二星距西星去極六十九度少入箕三度 屠肆二星距西星去極交十八度半入箕宿三度

宋中興天文志天市垣中一星明大者謂之帝座帝座東北一星為后舊誤作候西南三星為妃舊失其位妃北一星在帝右后北一星在帝左是為左右常侍妃南四星為宦寺宦寺南一星為闈人闈人南四星為內屏此其別也而舊乃以右常侍一星及妃三星為宦者又以宦寺闈人合五星為斗又以内屏四星為斛皆誤也

又曰凡三垣皆宮在中天市在紫宮之東北太微在紫宮之東南而大角在紫宮之正東故天市在大角左太微在大角右大角一

星晉隋志雜之衆星中謂之天王座其說不白司馬遷云大角者
天王帝廷其兩旁各有三星場足勾之曰攝提攝提者直斗柄所
指以建時節故曰攝提格雖於衆星中頗表而出之亦未爲得也
故九曰天王座曰天王帝廷曰直斗柄所指以建時節皆非是

文獻通考卷之二百七十八

